

UGOVOR

o pružanju usluga revizije IS-a i uporedne analize IT rješenja

I - UGOVORNE STRANE

Član 1.

1. Bosna i Hercegovina, Federacija Bosne i Hercegovine, Kanton Sarajevo, Zavod za informatiku i statistiku, sa sjedištem u ulici Reisa Džemaludina Čauševića 1, Sarajevo, koga zastupa direktor, gosp. Timur Gadžo, (u daljem tekstu: **Naručilac**)

Identifikacioni broj: 4200662290002

Poreski broj : 01078614

Transakcijski račun broj: **3389002208333632** kod UniCredit Bank d.d. Mostar

i

2. Connexit d.o.o. Sarajevo, Ulica Branilaca Sarajeva br. 20, 71000 Sarajevo, Bosna i Hercegovina, kojeg zastupa direktor gosp. Benijamin Hadžalić, (u daljem tekstu: **Izvršilac**)

Telefon: + 387 33/26 49 10

Fax: + 387 33/26 49 11

E-mail: info@connexit.ba

ID broj: 4201217420008

PDV broj: 201217420008

Transakcijski račun u KM broj: **1410010001854708** kod BBI banke.

II- PREDMET UGOVORA

Član 2.

Ovim ugovorom regulišu se prava i obaveze Izvršioca i Naručioca u pogledu pružanja usluga stručne pomoći – revizija informacionog sistema (dalje: IS) i uporedne analiza (benchmarking) IT rješenja u Kantonu Sarajevo prema postupku javne nabavke provedenom putem direktne pogodbe, Ponuda Izvršioca broj: 119/16 od od 22.08.2016. (**Prilog A**) i Odluka Naručioca broj: 26-14-207-1/16 od 20.09.2016. godine koje su sastavni dio ovog Ugovora (**Prilog B**).

Kanton Sarajevo u smislu ovog ugovora čine organi uprave odnosno ministarstva i službe, te one upravne organizacije koje se nalaze u zajedničkom IS.

Član 3.

Izvršilac je dužan isporuku usluge, iz člana 2. ovog ugovora, izvršiti u roku od 4 (četiri sedmice). Usluga se izvršava u dva dijela: na lokaciji klijenta u trajanju 2 (dvije) sedmice, te u pripremi izvještaja 2 (dvije) sedmice.

III OBAVEZE IZVRŠIOCA I NARUČIOCA

Član 4.

Obaveze Izvršioca je da osigura sve elemente usluge navedene u ponudi.

Izvršilac će odrediti voditelje tima i ostale članove tima za realizaciju usluge prema slijedećem:

1. Benijamin Hadžalić, voditelj tima
2. Amir Mulalić, član tima
3. Namik Plivčić, član tima
4. Nedim Hadžalić, član tima
5. Ahmet Hukić, član tima

Ostali članovi tima će biti dodijeljeni u skladu poslovnim zadacima usklađenim sa dogovorenim dinamikom realizacije usluge.

Član 5.

Obaveze Naručioca je da u skladu sa unaprijed dogovorenim dinamikom koju odredi zajedno sa Izvršiocom prati realizaciju svih aktivnosti.

Naručilac će osigurati prostorne i tehničke uslove neophodne za realizaciju Ugovora.
Naručilac će osigurati potrebnu dokumentaciju, pristup, podatke i saradnju za sve odvojene cjeline IS u Kantonu Sarajevo.

Član 6.

Izvršilac se obavezuje da će sve podatke i informacije koje dobije od Naručioca čuvati kao poslovnu tajnu. Naručilac se obavezuje da će sve podatke i informacije dobijene od Isporučioca čuvati kao poslovnu tajnu što je regulisano izjavom o povjerljivim informacijama.

Potpisnice Ugovora se obavezuju da će potpisati Izjavu o povjerljivosti koji osigurava međusobni odnos prema povjerljivim informacijama.

Član 7.

Izvršilac će, u slučaju nemogućnosti da izvrši obaveze iz ovog Ugovora, pismeno obavijestiti Naručioca o razlozima, te tražiti otklanjanje zapreka od strane Naručioca.

IV VRIJEDNOST UGOVORA

Član 8.

Ugovorne strane su saglasne da je ukupna cijena nabavke usluge navedene u Članu 2. ovog ugovora fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora, uključujući sve neposredne i posredne troškove potrebne za isporuku, te ne podliježe izmjenama za vrijeme izvršenja Ugovora iz bilo kojeg razloga.

Ukupna cijena usluge iz Člana 2. ovog ugovora, sa uračunatim PDV-om, iznosi:

7.020,00 KM (slovima: sedamhiljadaidvadeset KM i 00/100)

V ROK ISPORUKE, USLOVI I NAČIN PLAĆANJA

Član 9.

Rok isporuke usluge iz člana 2. ovog Ugovora je 4 (četiri) sedmice.

Usluga iz člana 2. ovog Ugovora će se platiti Izvršiocu u roku od 7 dana od primitka fakture i izvještaja o realizovanim uslugama. Iznos PDV-a će biti posebno izražen na fakturi.

Plaćanje će se izvršiti na račun Izvršioca broj: **1410010001854708** kod BBI banke. Cijene su izražene u KM.

VI RJEŠAVANJE SPOROVA

Član 10.

Ugovorne strane će nastojati svaki spor, iz Ugovora ili u vezi s izvršenjem istog, riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao pravne posljedice koje iz toga proističu, konačno će se riješiti pred nadležnim sudom u Sarajevu.

VII STUPANJE NA SNAGU

Član 11.

Ovaj Ugovor stupa na snagu danom potpisivanja od strane ovlaštenih lica Naručioca i Izvršioca.

VII BROJ PRIMJERAKA UGOVORA

Član 12.

Ugovor je sačinjen u 4 (četiri) istovjetna primjerka, od kojih 2 (dva) primjerka za Izvršioca i 2 (dva) za Naručioca.

ZA IZVRŠIOCA

Connexit d.o.o. Sarajevo

Broj Ugovora: EU 0000216

Datum: 27.09.2016.

2

ZA NARUČIOCA

Zavod za informatiku i statistiku Kantona Sarajevo

Broj Ugovora: 20-14-201-2116

Datum: 29.09.2016.

